


SASKIBALOIA



Taugres Baskoniak etekin handia aterako dio Korak Kopari.

OLALDE

ETBk 40 milioi ordainduko dizkio Baskoniari Korac eskaintzeagatik

LUIS KARLOS GARCIA / GASTEIZ

Datorren denboraldian Korac Kopan Taugres-Baskoniak jokatuiko dituen partiduko ETBk eskaintzeko akordioa sinatu zuten atzo Gasteizen Josean Kerejeta Gasteizko taldeko lehendakariak eta Luis Alberto Aranberri ETBko zuzendariak. Horrela, «irudi-eskubideak» saldu dizkio Baskoniak ETBri, eta akordioaren arabera, 45 milioi pezeta (2,2 milioi libera) jaso ahal izango ditu Baskoniak, Korac Kopako txapel-dun gelditzen bada.

Akordioak hiru epe aurrikusten ditu. Lehenengoak 20 milioi pezeta emago dizkio Baskoniari Korac Kopako aurre-txapelketako bi partiduetan aritzeagatik. Txapelketako hiru partiduetatik 20 milioi pezeta aterako ditu talde gasteiztarrek, eta azkeneko 5 milioiak, Taugres Koraceko txapel-dun sailkatzeke aukerari dagozkie.

Saski Baskoniako agintariek 5 milioi pezeta horiek «ETBren saritzat» jo zituzten arren, Luis Alberto Aranberri gezurtatu egin zuen nolabait. «ETBn 45 milioi pezeta aurrekonturatu ditugu eta dirutza osoa gastatu gura dugu. Hortaz, ez da sari bat, hiru epetako akordioa baizik», esan zuen ETBko zuzendariak.

DIPUTAZIO LEHIAKETAKO PARTIDUAK

Akordioan Taugres Gasteizen jokatuiko dituen partiduko nahiz Europar lehiatuko dituenak sartzen badira ere, «ETB eta kasuan kasuko telebista europarra truke-akordioaren batera iristen badira» eskaini ahal izango dira kanpoko partidukoak.

1991-1992 denboraldia, Baskonia Europar aritzen den bigarren urtea izango da, baina Kerejetak adierazi zuen bezala, «espero dugu azkena ez izatea, zeren eta datorren urterako eratzen ari garen taldeaz aintz gauza egin daitezke Europar nahiz estatuan ere». Ramon Rivas Korac Kopan egon dadin ACB eta FIBAren mintzatuko direla esan zuen, arautegi europarrak galerazi egiten bait du Puerto Ricoko estatuko jokalaririk nazional bezala jokatu ahal izatea.

Bestalde, ETB eta Baskoniaren arteko akordioak dioenez, abuztuan ala irailean Taugres jokatuiko duen «Diputazio Lehiaketak» dituen hiru partiduetatik bi zuzenean emateko atala dago. Esan behar da Gasteizko taldea zenbait kontaktu mantentzen ari dela Toni Kukoc eta Vinnie del Negro iparramerikararren Benetton Treviso eta Zaragozako CAI taldeekin, aipatu lehiaketan joka dezaten.

Puntu bakar bategatik irabazi zion Espainiak Bulgariako selekzioari

Jugoslaviak ez zuen inolako arazorik izan Polonia 103-61 menderatzeko

Partidu lotsagarria benetan Espainiak atzo Bulgariaren kontra jokatu zuena Eurobasketeko bigarren ihardunaldian. Espainiako selekzioa atzetik joan zen markagailuan ia partidu guztian eta Antonio Martinek, amaieratik bost segundura lortutako bi puntuei esker, bizirik mantentzen ditu final erdietara sailkatzeke aukerak. Jugoslaviak aldiz, 103-61 jipoitu zuen Polonia.

RAMON BASALDUA / BILBO

Asko aldatu beharko du bere jokoa Antonio Diaz Miguelek zuzentzen duen selekzioak, Erroman jokatzeko ari den Europako saskibaloitxapelketan dominaren bat lortu nahi badu behintzat. Txapelketa honetan Jugoslaviaren kontra jokatuiko lehen partiduko azken minutuetan erakutsitako jokoa ona izan zen arren, ez zen gauza bera gertatu Bulgariaren kontra.

Diaz Miguelen mutilak aurreratu ziren markagailuan partiduko lehen minutuetan, Jordi Villacampak lortutako saskiratzei esker. Dena den bulgariarrek ez zuten partidua galdu nahi eta hamairu puntu sartu zizkieten espainiarrei, eurek bakar bat ere lortu ez zuten bitartean. Minutu asko igaro behar izan ziren, Espainia markagailuan berriro aurretik ipini orduko. Diaz Miguelen mutilak ez ziren bulgariarren hiruko jaurtitzailak geratzeko gai eta hori dela eta



Espainiako selekzioak joko kaskarra erakutsi zuen.

bederatzi puntuz galtzen zuten, lehen zatia amaieran.

BULGARIARREN HIRUKO JAURTIKETAK

Bulgariarren partidua irabaztera ateratu ziren, izan ere, Poloniaren kontra galtzaile izan ondoren, beharrezkoak bait zituzten Espainiaren kontrako bi puntuak. Bigarren zatia hasi bezain laster, espainiarrak, partiduari buelta ematera ateratu ziren arren, bulgariarrek izan ziren bere alde areagotzea lortu zutenak.

Minutuak aurrera eta gauzak ez ziren konpontzen, Diaz Miguelen kalterako. Partidua amaitzeko bederatzi minutu falta zirela, zortzi puntuko zen Bulgariak Espainia-

rekiko zuen alde. Atzo ikusi zenez, Espainiako selekzioak une erabakikorretan jokoaren erantzukizuna hartzen dakiten esperientziadun gizonak ditu eta Juan Antonio San Epifanio, hoietako bat da. Barcelona taldeko hegala, bere taldeak eskaini dion egundoko kontratuaren zergatia argi utzi zuen, hiruko bi jaurtiketa sartu bait zituen jarraian. Antonezek lortutako beste hirukoitz bati esker, aurretik jarri zen Espainiako selekzioa. Dena den ez zuen bere alde areagotzen jakin eta ez zuen garaipena ziurtatu, partidua amaitzeko bost segundu geratzen ziren arte. Gaur ezin dute hutsegin Poloniaren kontra, final erdietarako txartela jokoa bait dago.

Kalitate handirik ez eta izar gutxi gaur NBAko hautaketetan

NEW YORK


Unibertsital mailako jokalariek NBAko jokatzeko egin beharreko aukeraketa edo 'drafta' ilun antzerakoa iragartzen da gaur, kalitate handirik ez bait da igartzen zerrendako estraineko seietatik aurrera, eta horien artean ere ez dago gehiegi nabarmentzeko moduko izarrik. Batzuk 'rookie' onak irtengo direla baieztatu dute, baina hauekin patxada behar dela gaineratu ere bai. Gehientsuenek, ez diote interes handirik ikusten aurtengo hautaketari, eta hamargarrenetik aurrera probetxuzko ezer ez dela topatuko iragarri dute.

Charlotte Hornets, New Jersey Nets, Sacramento Kniks, Denver Nuggets, Miami Heat eta Dallas Mavericks taldeak dira, orden horretan, aurreneko hautaketa eskubideak dituztenak. Eta unibertsital jokalarien artean honakoak izango dira, aditu guztiek onartzen dutenez, 'drafteko' lehenengo seiak: Larry Johnson (Nevada Las Vegas), Billy Owen

(Syracuse), Kenny Anderson (Georgia Tech), Dikembe Mutombo (Georgetown), Doug Smith (Missouri) eta Steve Smith (Michigan State). Aurreneko biek NBAko izar bihurtzeko trazarak erakutsi dituzte, eta hurrengo lauak jokalaririk onak izan daitezke profesionalen artean. Baina hortik aurrera, aukera handirik ez da ikusten aurtengo 'draft-ean'.

LAGUNIK ONENA PATXADA

Aurtengoa baino kaskarragoak iragartzen ziren urteak izan dira, hala ere, unibertsital jokalariei talentu gutxiago ikusten zitzaizena. Eta gerora, Joe Dumars —18. postuan aukeratua— eta Karl Malone —13.ean— jokalariekin gertatu den moduan, taila handia erakutsi izan dute profesionalean. Vlado Divac jugoslaviarra ere 26. postuan hautatu zuen L.A. Lakers taldeak, eta azken finalean maila gorenean jokatu du. Phoenix Suns taldeko Kevin Johnson baseak, bestera, urte osoa ordezkien aulkian eman behar izan zuen, eta Cleveland Cavaliers taldeak tras-



Singleton eta Mashburn.

pasatzean baino ez zuen erakutsi All Star izatera eramane duen klasea. Kasurik berriena Kevin Duckworth pibotarena izan daiteke, Mike Schuler entrenatzailearen aginduetara jokalaririk bikaina dela erakutsi bait du Portlanden.

NBAko zozketa zientzia zehatza ez dela aski frogatua dago, eta pazientzia erakusle ona izan ohi da 'rookie-ak' noraino irits daitezkeen igartzeko.

Egunkaria

PUBLIZITATE saltzaileak behar ditugu Nafarroan lan egiteko. Deitu lehen bait lehen (943) 46.90.22 telefonora